

Obavijest – Podrška po modelu ruralnog razvoja

Na temelju dijela D/ Model ruralnog razvoja iz Programa novčanih podrški u poljoprivredi i ruralnom razvoju za 2018. godinu „Subvencije privatnim preduzećima i preduzetnicima – Poticaj za poljoprivredu“, i člana 17. Pravilnika o uslovima i načinu ostvarenja novčanih podrški po modelu ruralnog razvoja („Službene novine Federacije BiH“ broj 48/18) Federalno ministarstvo objavljuje

O B A V I J E S T

o rokovima i uslovima za podnošenje zahtjeva za podršku po modelu ruralnog razvoja u 2018. godini

I PREDMET OBAVIJESTI

Predmet Obavijesti je upoznavanje potencijalnih korisnika novčane podrške sa rokovima i uslovima za podnošenje zahtjeva za podršku po modelu ruralnog razvoja iz Programa novčanih podrški u poljoprivredi i ruralnom razvoju za 2018. godinu.

II – KORISNICI

Korisnici podrške

Korisnici podrške su poljoprivredna gazdinstva te druga pravna i fizička lica koja mogu ostvariti pravo na podrške (u daljem tekstu: klijent), koja ispunjavaju opće i posebne uslove prihvatljivosti za podršku.

II – OPĆI USLOVI

Opći uslovi prihvatljivosti za podnosiocje zahtjeva

- Klijent mora imati sjedište, odnosno prebivalište na teritoriji Federacije Bosne i Hercegovine.
- Klijent mora biti upisan u RPG i/ili RK.
- Ulaganje u poljoprivredne mašine, priključne uređaje i poljoprivrednu opremu mora biti provedeno na poljoprivrednom gazdinstvu koje se nalazi na teritoriji Federacije Bosne i Hercegovine.
- Ukoliko je klijent fizičko lice onda mora imati najmanje 18 godina starosti u trenutku objavljivanja Obavijesti.
- Klijent mora dostaviti dokaz o izmirenim obavezama za prethodnu godinu ili sporazum o reprogramu duga kod nadležne Porezne uprave Federacije BiH/ Uprave za indirektno oporezivanje BiH.

Opći uslovi prihvatljivosti za projekte

- Projekat se mora odnositi na ulaganje u proizvodnju poljoprivrednih proizvoda iz Dodatka I – Spisak poljoprivrednih proizvoda Zakona o poljoprivredi („Službene novine Federacije BiH“ br.: 88/07, 4/10, 27/12 i 7/13).
- Prihvatljivi troškovi za svaki dio ulaganja moraju biti u skladu s realnim trenutnim tržišnim cijenama.
- Projekat ostaje prihvatljiv za finansiranje pod uslovom da se u periodu od pet godina od dana konačne isplate ne izvrši otuđivanje predmeta novčane podrške odnosno izmještanje ugrađene opreme.
- Svi podneseni dokumenti moraju biti dostavljeni u originalu ili ovjerenj kopiji.

II POSEBNI USLOVI

Prihvatljivi sektori

- Prihvatljivi sektori za ulaganja unutar mjere su:
 1. mliječno govedarstvo,
 2. mesno govedarstvo,
 3. ovčarstvo i kozarstvo,
 4. svinjogojstvo,
 5. peradarstvo,
 6. proizvodnja voća, povrća i gljiva
 7. proizvodnja ratarskih kultura, ljekovitog i aromatičnog bilja i cvijeća,
 8. pčelarstvo,
 9. akvakultura.

Minimalna i maksimalna prihvatljiva vrijednost investicije

- Minimalna prihvatljiva vrijednost investicije po klijentu koja je predmet novčane podrške je 3.000 KM za fizička lica, odnosno 5.000 KM za pravna lica i obrte.
- Maksimalna prihvatljiva vrijednost investicije po klijentu koja je predmet novčane podrške u tekućoj godini je 240.000 KM za fizička lica, odnosno 400.000 KM za pravna lica i obrte.

III IZNOSI NOVČANE PODRŠKE

Osnovni i dodatni iznos novčane podrške

- Osnovni iznos novčane podrške utvrđuje se na osnovu računa (fakture).
- Ako vrijednost investicije prelazi maksimalnu prihvatljivu vrijednost investicije navedenu u obrascima LPT-MPU i LPT-O, za obračun se koristi iznos maksimalne prihvatljive vrijednosti investicije naveden u spomenutim obrascima.
- Osnovni iznos novčane podrške je do 25% od prihvatljivih troškova i ne može biti veći od maksimalnog osnovnog iznosa novčane podrške navedenog u obrascima LPT-MPU i LPT-O.
- Dodatni iznos novčane podrške obračunava se na utvrđeni osnovni iznos novčane podrške u visini od dodatnih 5% za nosioca poljoprivrednog gazdinstva mlađeg od 40 godina na dan objave Obavijesti, odnosno za žene nosioce poljoprivrednog gazdinstva.
- Dodatni iznos ne može biti veći od 5%.

Maksimalni iznos novčane podrške

- Klijent može ostvariti pravo na novčanu podršku za kupovinu više poljoprivrednih mašina, priključnih uređaja odnosno više vrsta opreme, te certifikaciju organske proizvodnje pod uvjetom da osnovni iznos novčane podrške ne prelazi 60.000 KM za fizička lica, odnosno 100.000 KM za pravna lica i obrte.
- Osnovni iznos iz stava (1) ovog člana uvećava se za dodatni iznos novčane podrške u slučaju kada je nosilac poljoprivrednog gazdinstva mlađi od 40 godina ili je nosilac poljoprivrednog gazdinstva žena.

Proporcionalno smanjenje u slučaju probijanja iznosa sredstava utvrđenih Programom

Ako zbroj iznosa obračunate novčane podrške za sve pojedinačne zahtjeve bude veći od iznosa sredstava utvrđenih Programom, izvršit će se proporcionalno smanjenje svih odobrenih pojedinačnih iznosa novčane podrške.

IV – PODNOŠENJE ZAHTJEVA

Aktivnosti prije podnošenja zahtjeva za podršku

- Klijent treba izvršiti kupovinu poljoprivredne mašine, priključnog uređaja i poljoprivredne opreme, odnosno izvršiti plaćanje usluge certifikacije organske proizvodnje prije podnošenja Zahtjeva za podršku.
- Za izvršenu kupovinu robe ili plaćanje usluge klijent pribavlja račun (fakturu) sa detaljnom specifikacijom kupljene mašine, uređaja i opreme, odnosno izvršenog procesa certifikacije.
- Klijent je prije podnošenja zahtjeva za podršku dužan izvršiti plaćanje cjelokupnog iznosa navedenog na računu (fakturi).
- Ako se u toku upravnog postupka utvrdi da su informacije dostavljene od strane klijenta lažne ili pogrešne, odnosno da su cijene na računu (fakturi) namjerno uvećane, Federalno ministarstvo će donijeti rješenje o odbijanju zahtjeva za podršku.

Podnošenje zahtjeva za podršku – ulaganje u poljoprivredne mašine i priključne uređaje

- Nakon objave Obavijesti klijent dostavlja zahtjev za podršku ulaganju (obrazac ZZZP-UM) Federalnom ministarstvu, zajedno s propisanim dokumentacijom (u jednom primjerku).
- Zahtjev za podršku za ovu mjeru odnosi se na ulaganje u kupovinu novih poljoprivrednih mašina i priključnih uređaja u razdoblju od 1.10.2017. do 1.10.2018. godine.
- Ukoliko je ulaganje izvršeno prije objave Obavijesti, klijent je dužan podnijeti zahtjev za podršku u roku od 30 dana od dana objave Obavijesti.
- Ukoliko se ulaganje vrši nakon objave Obavijesti, klijent je dužan podnijeti zahtjev za podršku u roku od 30 dana od dana izvršenog plaćanja računa (fakture).
- Krajnji rok za podnošenje zahtjeva za podršku je 5.10. 2018. godine.

• **Za ostvarivanje prava na podršku klijent dostavlja u originalu ili ovjerenoj kopiji slijedeću dokumentaciju:**

1. Popunjen Obrazac zahtjeva za podršku ulaganju u poljoprivredne mašine i priključne uređaje (ZZP-UM),
 2. Račun (fakturu) o kupovini poljoprivredne mašine i priključnog uređaja, odnosno račun (fakturu) vezan za troškove njihovog transporta ako ga posjeduje,
 3. Dokaz o izvršenoj uplati po ispostavljenom računu (fakturi) – (za fizička lica se, pored ostalog, kao dokaz prihvaća i fiskalni račun),
 4. Jedinstvenu carinsku deklaraciju (JCI) i dokaz o izmirenim carinskim dažbinama (samo za uvezene poljoprivredne mašine i priključne uređaje),
 5. Ovjerenu kopiju prometne/saobraćajne dozvole za poljoprivredne mašine koje podliježu registraciji,
 6. Ovjerenu izjavu Klijenta (Obrazac IK) da poljoprivredna mašina odnosno priključni uređaj nije nabavljen u okviru međunarodnih projekata ili donacija, te da po istoj osnovi Klijent nije koristio bespovratna sredstva bilo koje razine vlasti u BiH, odnosno da poljoprivrednu mašinu odnosno priključni uređaj neće otuđiti u razdoblju od pet godina.
 7. Dokaz o izmirenim obavezama za prethodnu godinu ili sporazum o reprogramu duga kod Porezne uprave Federacije BiH (svi podnosioci), odnosno Uprave za indirektno oporezivanje BiH (samo reg. obveznici PDV-a).
- Zahtjev za podršku može se podnijeti osobno na protokol Federalnog ministarstva, ili putem pošte (isključivo preporučeno), u propisno zatvorenim kovertama, na adresu:

Federalno ministarstvo poljoprivrede, vodoprivrede i šumarstva

Marka Marulića 2

71 000 Sarajevo

sa naznakom: “Ulaganje u kupovinu poljoprivrednih mašina i priključnih uređaja“.

Podnošenje Zahtjeva za podršku – ulaganje u poljoprivrednu opremu

- Nakon objave Obavijesti, klijent dostavlja zahtjev za podršku (obrazac ZZZP-UO) Federalnom ministarstvu, zajedno s propisanim dokumentacijom (u jednom primjerku).
- Zahtjev za podršku za ovu mjeru odnosi se na ulaganje u kupovinu nove poljoprivredne opreme u razdoblju od 1.10.2017. do 1.10.2018. godine.
- Ukoliko je ulaganje izvršeno prije objave Obavijesti, klijent je dužan podnijeti zahtjev za podršku u roku od 30 dana od dana objave Obavijesti.
- Ukoliko se ulaganje vrši nakon objave Obavijesti, klijent je dužan podnijeti zahtjev za podršku u roku od 30 dana od dana izvršenog plaćanja računa (fakture).
- Krajnji rok za podnošenje zahtjeva za podršku je 5.10.2018. godine.

• **Za ostvarivanje prava na podršku klijent dostavlja u originalu ili ovjerenoj kopiji slijedeću dokumentaciju:**

1. Popunjen Obrazac zahtjeva za podršku ulaganju u poljoprivrednu opremu (Obrazac ZZZP-UO),

2. Račun (fakturu) o kupovini poljoprivredne opreme, odnosno račun (fakturu) vezan za troškove njenog transporta, montaže ili ugradnje ako ga posjeduje,
 3. Dokaz o izvršenoj uplati po ispostavljenom računu (fakturi) – za fizička lica se, pored ostalog, kao dokaz prihvaća i fiskalni račun,
 4. Jedinstvenu carinsku deklaraciju (JCI) i dokaz o izmirenim carinskim dadžbinama (samo za uvezenu poljoprivrednu opremu),
 5. Ovjerenu izjavu Klijenta (Obrazac IK) da poljoprivredna oprema nije nabavljena u okviru međunarodnih projekata ili donacija, te da po istoj osnovi nije koristio bespovratna sredstva bilo koje razine vlasti u BiH, odnosno da poljoprivrednu opremu neće otuđiti u razdoblju od pet godina.
 6. Dokaz o izmirenim obavezama za prethodnu godinu ili sporazum o reprogramu duga kod Porezne uprave Federacije BiH (svi podnosioci), odnosno Uprave za indirektno oporezivanje BiH (samo reg. obveznici PDV-a).
- Zahtjev za podršku može se podnijeti osobno na protokol Federalnog ministarstva, ili putem pošte (isključivo preporučeno), u propisno zatvorenim kovertama, na adresu:

Federalno ministarstvo poljoprivrede, vodoprivrede i šumarstva
Marka Marulića 2
71 000 Sarajevo
sa naznakom: "Ulaganje u kupovinu poljoprivredne opreme".

Podnošenje zahtjeva za podršku – certifikacija organske proizvodnje

- Nakon objave Obavijesti, klijent dostavlja zahtjev za podršku certifikaciji organske proizvodnje (Obrazac ZZP-C) Federalnom ministarstvu, zajedno s propisanom dokumentacijom (u jednom primjerku).
- Zahtjev za podršku za ovu mjeru odnosi se na klijenta (proizvođač, prerađivač ili sakupljač) koji je dobio certifikat od tijela akreditiranog od strane međunarodno ovlaštenog akreditacijskog tijela prema zahtjevima standarda EN 45011/ISO Vodiča 65. a koji je certifikaciju izvršio u razdoblju od 1.10.2017. do 1.10.2018. godine.
- Troškovi u okviru ove mjere se priznaju za certifikaciju proizvodnje, grupnu proizvodnju, preradu organskih proizvoda i sakupljanje samoniklog bilja i šumskih plodova.
- Ukoliko je certifikacija izvršena prije objave Obavijesti, klijent je dužan podnijeti zahtjev za podršku u roku od 30 dana od dana objave Obavijesti.
- Ukoliko se certifikacija vrši nakon objave Obavijesti, klijent je dužan podnijeti zahtjev za podršku u roku od 30 dana od dana izvršenog plaćanja računa (fakture).
- Krajnji rok za podnošenje zahtjeva za podršku je 5.10.2018. godine.
- **Za ostvarivanje prava na podršku klijent dostavlja u originalu ili ovjerenoj kopiji slijedeću dokumentaciju:**
 1. Popunjen obrazac zahtjeva za podršku certifikaciji organske proizvodnje (Obrazac ZZP-C),
 2. Račun (fakturu) ispostavljen za izvršenu uslugu certifikacije,
 3. Dokaz o izvršenoj uplati po ispostavljenom računu (fakturi) – za fizička lica se, pored ostalog, kao dokaz prihvaća i fiskalni račun,
 4. Kopiju certifikata.
 5. Dokaz o izmirenim obavezama za prethodnu godinu ili sporazum o reprogramu duga kod Porezne uprave Federacije BiH (svi podnosioci), odnosno Uprave za indirektno oporezivanje BiH (samo reg. obveznici PDV-a).
- Klijent ostvaruje podršku u iznosu do 75% ukupno dokumentiranih troškova certifikacije.
- Zahtjev za podršku može se podnijeti osobno na protokol Federalnog ministarstva, ili putem pošte (isključivo preporučeno), u propisno zatvorenim kovertama, na adresu:

Federalno ministarstvo poljoprivrede, vodoprivrede i šumarstva
Marka Marulića 2
71 000 Sarajevo
sa naznakom: "Certifikacija organske proizvodnje"

Obrasci zahtjeva za podršku i ostale informacije

Sve elektronske obrasce možete preuzeti ovdje. Detaljnije informacije možete naći u Pravilniku o uslovima i načinu ostvarenja novčanih podrški po modelu ruralnog razvoja („Službene novine Federacije BiH“ broj 48/18).